

Shayx Zunnuni Misriyning o'giti



14:08 / 08.12.2018 3840

Zunnuni Misriy hazratlari deydilarki: Shu o'gitlarni tutgan kishining dunyosi va oxirati obod bo'ladi.

Me'dasi ovqat bilan to'la kishining ko'nglidan ilmu hikmat joy olmaydi.

Gunoh qilishdan saqlangan kishilarga mujdalar bo'lsin!

Gunohlardan saqlanmoq yo'li - kam yemoqdir.

Oz yemoq, ko'p zikr etmoq Alloh rizosiga yaqinlashtiradi.

Allohdan qo'rqish alomati - quyidagilardir:

1. Har bir ishni yaxshi niyatda boshlamoq.

2. Nafs bilan kurashib, uni yengish.

3 O'limni juda yaqin bilib, so'nggi nafasida imon bilan ketish uchun diqqat-e'tibor va andishali bo'lish.

4. Har narsadan Alloh rizosini ustun qo'ymoq. U rozi bo'lmaydigan narsalardan uzoq turmoq.

5. Bid'atlarni, dinga keyinchalik suqilib qolgan narsalarni tashlab, sunnat bo'lgan amallarni bajarish.

6. Hech bir gunohni kichik hisoblamaslik.

Alloh rizosini ko'zlaganlar va izlaganlar bu olti narsaga amal qilsin!

Payg'ambarimiz sollallohu alayhi vasallam shunday deydilar:

«Bir kishi zikr va duo majlisida bo'lib, birga zikr etib, duolar qilsa, Allah o'sha kishini zikr va duo ahli sifatida qabul qilib, himoyasiga oladi. Allah himoyasi ostiga olgan kishini esa aslo jazolantirmaydi».

Yana Payg'ambarimiz sollallohu alayhi vasallam marhamat etadilar:

«Aksirgan kishi «Alhamdulillah» deganida Allah u kishini yetmish xil g'am-qayg'u va falokatdan saqlaydi».

Allah huzurida shu to'rt kalimadan sevimliroq bir narsa yo'q. Bir kishi bu to'rt kalimani shomu sahar yuz martadan o'qisa, barcha xohishu istaklariga yetadi. Allah shu duo hurmatidan o'sha kishining oxirat murodini ham beradi. Mana o'sha to'rt kalima:

«Subhanallohi val hamdu lillahi. Va la ilaha illallohu vallohu akbar. va la havla va la quvvata illa billahil aliyyil aziyim.

Yana bir tasbeh mana bunday tarzda:

«Subhanallohi va bi hamdihi subhanallohil aziyim».

Bir kishi ixlos bilan shu tasbejni shomu sahar yuz martadan aytsa, Allah o'sha kishiga qabul bo'lgan yuz haj savobini beradi.

Iyomon besh burchli qal'aga o'xshaydi.

Birinchi burji oltindan, ikkinchi burji kumushdan, uchinchi burji po'latdan, to'rtinchi burji tunj (bronza, ruh) dan, beshinchi burji misdan.

Qal'a ichiga o'g'ri kirsa, qimmatli narsalarni o'maradi. Iyomon qal'asining o'grisi - shayton.

Mis burji – adabdir. Adab bo'limgan joyga shayton kiradi. Adab burjiga shayton yo'llay olmaydi. U zotning iyemoni ozod, najot topadi. Po'lat deganimiz vujud, temir deganimiz tandir. Tunj deganimiz farzdir. **Kumush** deganimiz – ixlos. **Oltin**

deganimiz – Allohga yaqinlik.

Kimning adabi bo'lsa, sunnatga yo'l topadi.

Sunnatga amal qilgan ixlosga yo'l topadi. Ixlosli kishi Allohga yaqinlashadi. Yaqinlikka erishgan esa Allohga vosil bo'ladi.

Adabga e'tibor etmagan sunnatdan uzoq qoladi. Sunnatga ahamiyat bermaganning farzi qusurli bo'ladi. Farzi qusurli bo'lganning samimiyati bo'lmaydi.

Berganini Alloh roziligi uchun bergen, sevganini Alloh rizosi uchun sevgan, sevmaganini tag'in Alloh rizoligi uchun sevmagan kishining iymoni komildir.

Payg'ambarimiz sollallohu alayhi vasallam shunday deydilar:

«Ey, sevimli ashobim! Qiyomatgacha kelguvchi ummatlarim! Odobi, xulq-atvori, tarbiyasi, tabiat go'zal bo'lib, insonlarga yaxshilik qiluvchingiz sizlarning iymonda mukammalingizdir».

Haqiqatan bu to'g'rida Alloh marhamat etadi:

«Va albatta, sen buyuk xulqdasan» (*Qalam surasi, 4-oyat*).

Bu oyatda Alloh Habibini vasf etmoqda, maqtamoqda. Agar bir kishi go'zal axloqqa ega bo'lsa,